



SAOPŠTENJE ZA JAVNOST

Određen pritvor za lice E. K. **zbog osnovane sumnje u izvršenje krivičnog djela** **Nasilja u porodici**

(Brčko, 03.12.2025. godine)

Na prijedlog Tužilaštva Brčko distrikta BiH, Osnovni sud Brčko distrikta BiH odredio je danas pritvor licu E.K. (46)* iz Brčko distrikta BiH, zbog postojanja osnovane sumnje da je izvršio krivično djelo "Nasilje u porodici".

Osnovni sud Brčko distrikta BiH utvrdio je da su ispunjeni uslovi iz člana 132. stav 1. tačka c) Zakona o krivičnom postupku Brčko distrikta BiH, pa je licu E.K. odredio jednomjesečni pritvor zbog postojanja naročitih okolnosti koji opravdavaju bojazan da bi osumnjičeni ukoliko bude boravio na slobodi mogao ponoviti krivično djelo, a za to krivično djelo se može izreći kazna zatvora tri godine ili teža kazna. Postupajući sud je zaključio da utvrđene činjenice i okolnosti, na osnovu do sada prikupljenih i prezentovanih dokaza, ukazuju da je pritvor najadekvatnija mjera koja se u ovom momentu može izreći osumnjičenom da bi se isti onemogućio da ponovi krivično djelo.

Naime, u periodu od 20. do 30. novembra 2025. godine, osumnjičeni je nasiljem, drskim i bezobzirnim ponašanjem u više navrata i pred djetetom ugrozio mir, tjelesni integritet i duševno zdravlje, te nanio ekonomsku štetu članu porodice s kojim živi u zajedničkom domaćinstvu, čime je kod žrtve nasilja u porodici uzrokovao lake tjelesne povrede i osjećaj straha za sopstvenu bezbjednost.

Treba naglasiti da se u konkretnom slučaju radi o višestrukom povratniku u izvršenju ovih ali i drugih teških krivičnih djela, kako na prostoru Brčko distrikta BiH tako i na prostoru Evropske unije, zbog čega je do sada šesnaest puta bio osuđivan.

U daljem toku ove istrage, Tužilaštvo Brčko distrikta BiH će nastaviti poduzimati raspoložive istražne mjere i radnje u cilju utvrđivanja svih važnih činjenica za opisani događaj i daljeg procesuiranja odgovornog lica.

****Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.****

**VRŠILAC DUŽNOSTI
GLAVNOG TUŽIOCA**

RADMILO IVANOVIĆ